

2-казус

Хорижий мол етказиб берувчидан \$12500 хомашё материаллар қабул қилинди. Божхона Юк Декларацияси (БЮД)ни расмийлаштиришда Марказий банкнинг курси $1\$ = 10280$ сўмга тенг. Тўлаш вақтида курс $1\$ = 10310$ сўмга тенг.

Валюта операцияларини бухгалтерия ҳисобида акс эттирилишини тушунтиринг ва хўжалик операциялари содир бўлган санада бухгалтерия проводкасини беринг.

Мазкур казусда келтирилган масалалар бўйича қуйидагиларни аниқлаб олиш керак бўлади:

1. Божхона ҳодимлари томонидан аввало юк декларациясини расмийлаштириш.
2. Хорижий мол етказиб берувчига хом ашё материаллар учун чет эл валютасида тўланган маблағни миллий валютадаги суммасини аниқлаш.
3. Чет эл валютасидаги хўжалик операциялари бўйича бухгалтерия проводкаларини бажариш.

Казусдаги ҳолат бўйича божхона юк декларациясини расмийлаштириш қуйидагича бўлади. БЮДни расмийлаштириш санасида Марказий банкнинг курси $1\$ = 10280$ сўмга тенг бўлганлигини инобатга олиб, хом ашё материалларининг миллий валютадаги харид қиймати $= \$12500 \times 10280 = 128\,500\,000$ сўмни ташкил қилади.

Корхона томонидан расмийлаштирилган БЮДга асосан хом ашё материалларининг миллий валютадаги харид қиймати суммасидан божхона божи ва йиғимлар тўловлари амалга оширилади.

Казусдаги яна бир вазият бўйича хом ашё материаллари учун хорижий мол етказиб берувчига тўланган санадаги чет эл валютасидаги маблағни миллий валютадаги суммасини аниқлаймиз. Корхона хорижий мол етказиб берувчи тўловни амалга ошириш кунда Марказий банкнинг курси $1\$ = 10310$

сўмга тенг бўлганлигини ҳисобга олиб, миллий валютадаги харид қиймати = $\$12500 \times 10310 = 128875000$ сўм.

Казусда кўрсатилган ҳолатда мол етказиб берувчидан хом ашё материаллари корхонага БЮД расмийлаштрилган санада қабул қилинган куни Марказий банк курси $1\$ = 10280$ сўмга тенг бўлган ва хом ашё материалининг миллий валютадаги харид қиймати 128500000 сўмдан иборат бўлган. Хорижий мол етказиб берувчига тўлаб бериш кунида Марказий банк курси $1\$ = 10310$ сўмга тенг бўлганлигини ҳисобга олсак, хом ашё материалининг миллий валютадаги харид қиймати 128875000 сўмни ташкил этади. Бундан шу маълум бўладики, корхонанинг зарари $128875000 - 128500000 = 375000$ сўмни ташкил этади.

Юқоридагиларни ҳисобга олиб, казусда келтирилган хўжалик операциялари содир бўлган саналардаги бухгалтерия проводкасини беришимиз мумкин.

1. Хорижий мол етказиб берувчидан $\$12500$ хом ашё материаллар корхонага божхона юк декларациясига асосан қабул қилинганда:

Дебет

1010-“Хом ашё ва материаллар”

128500000 сўм.

Кредит

6010-“Мол етказиб берувчилар ва пудратчиларга тўланадиган счётлар”

2. Хорижий мол етказиб берувчига $\$12500$ корхонанинг мамлакат ичидаги валюта счётидан тўлаб берилганда қуйидаги бухгалтерлик проводкаси берилади:

Дебет

6010-“Мол етказиб берувчилар ва пудратчиларга тўланадиган счётлар”

128875000 сўм

Кредит

5210-“Мамлакат ичидаги валюта счётлари”

3. Балансинг валюта моддаларини қайта баҳолашдан салбий курс фарқлари (128875000-128500000)

Дебет

5210-“Мамлакат ичидаги валюта счётлари”

9620- “Валюталар курслари фарқидан зарарлар”

375000 сўм

Кредит

6010-“Мол етказиб берувчилар ва пудратчиларга тўланадиган счётлар”

5210-“Мамлакат ичидаги валюта счётлари”

Фойдаланилган норматив-ҳуқуқий ҳужжатлар рўйхати

1. Ўзбекистон Республикаси бухгалтерия ҳисобининг миллий стандарти (21-сон БҲМС) “Хўжалик юритувчи субъектларнинг молия-хўжалик фаолияти бухгалтерия ҳисоби счётлари режаси ва уни қўллаш бўйича йўриқнома” (ЎзР АВ 23.10.2002 йил, рўйхат рақами 1181).

2. Ўзбекистон Республикаси бухгалтерия ҳисобининг миллий стандарти (22-сон БҲМС) “Чет эл валютасида ифодаланган активлар ва мажбуриятларнинг ҳисоби” (ЎзР АВ 21.05.2004 йил, рўйхат рақами 1364).

Фойдаланилган интернет веб-сайтлар

1. www.lex.uz
2. www.norma.uz